

稀見

三十里王女祠在縣南五十里洞門崇四尺闊三尺
 水因破處矣此水既白致兩疑恐後復取爲之調
 亦符詩曰飲之使人壽藏之恐其竭也
 司馬維防竟無古人說
 北五里自縣界入平陽縣界
 來五里自縣界入平陽縣界
 縣界自終南山北流經韓水在縣西北五里出終南山
 芒水在縣東南三十里出南山北流經韓水在縣西北五里出終南山
 渭水在縣東南三十里出南山北流經韓水在縣西北五里出終南山
 田谷河在縣東南三十里出南山北流經韓水在縣西北五里出終南山

縣志卷之三

在縣東南三十里白龍泉在縣北流
 里北流三里求女泉在縣南五里
 之牛池廣二畝餘冬夏不涸
 十五里周仙遊潭在縣西
 金龍潭上有寺二黑編年
 可測不望仙澤在縣南
 雲氣簾如鳴鍾水經
 通縣及省祖庵通遇
 塞我山坊其北爲縣

華東師範大學圖書館藏

華東師範大學圖書館藏

稀見方志叢刊



北京圖書館出版社

華東師範大學圖書館藏稀見方志叢刊
一九

黃秀文 吳平 主編

北京圖書館出版社

第十九冊目錄

(乾隆)通州志(卷八人物·忠烈至卷末)·····	一
(光緒)朝城縣志略(一卷)·····	六〇三
崖州直隸州鄉土志(二卷)·····	六二五
(宣統)昭覺縣志稿(四卷)·····	六八九
(清)李煜纂修·····	
(清)湯寶棻修·····	
(清)徐懷璋纂修·····	

忠烈

明

劉廷訓字式伯號弼寰先世自海寧徙通州性謹厚樂善不倦嗜讀書務爲根柢之學崇禎間歲貢生授吳橋訓導崇禎十一年

本朝大兵南下知縣李綦隆欲遁廷訓止之與其守外圍將合綦隆縋城走廷訓卽趨城上語守者曰守死逃亦死盡死於守爲忠義鬼乎廷訓哭守者皆哭曰公死我等敢求活廷訓乃以幼孫付浮屠隆貴已介而守南門三晝夜炮盡城陷廷訓中流矢束胸力戰又中六矢乃死

踰月其子啟棺更歛面如生崇禎十五年贈國子監學

錄賜祭入吳橋名宦祀鄉賢

舊志傳多誤今從明史節錄

唐嗣美字繹如號憶孺通州人登萬歷三十二年進士累官山西布政使性廉介致仕後寓京師崇禎甲申爲流賊所執擄掠慘甚含血喫賊死年六十七妻支攜子婦女婢九人俱死于井詳列女傳婿劉爾崧載其喪厝于

高麗庄祖塋

張樸芳號中柱汝濟子登萬歷四十四年進士由行人歷吏部主事文選郎中公正自持尙書趙南星雅器重之以魏璫恣假歸時里民苦徭役破家多鬻子應樸芳力

陳當事民困乃甦崇禎間起官選郎凡附逆璫遷秩者
釐剔之旋乞休家置義倉值庚辰大饑疫發廩設粥濟
食全活千計居恒以興利除害爲已任甲申之變爲賊
帥所執拷掠備至抗節不屈罵賊死年七十餘 國朝
雍正二年祀鄉賢

楊若桐號虞律惟清子天啟元年恩貢生授江南睢寧知
縣潔已愛民報最將遷尋乞歸崇禎甲申州城破爲流
賊所執不屈死年八十餘妾王守節詳列女

李鍾英州庠生聞流賊陷京師莊烈帝殉社稷整衣冠投
城內嚮闢河死

田銀匠失名通州人甲申三月流賊陷京師匠賁赴義投
水死

賈以祿字泰榮州庠生甲申之變欲倡義雪國恥以大義
曉其妻妻喻其意自盡死詳列女傳以祿詣莊烈帝梓
官前拜伏痛哭賊異之不殺偕弟以壽南行至廣德州
州人以貌類馬士英誤擊死僕李讓亦被創三日復甦
葬以祿而還

閻應元字麗亨通州人崇禎中爲江陰典史十七年海賊
顧三麻入黃田港應元往禦手射殺三人賊退以功遷
英德主簿道阻不赴寓居江陰明年五月南京亡列賊

皆下。閏六月朔，諸生許用倡言守城，遠近應者數萬人。典史陳明遇主兵，用徽人邵康公爲將，而前都司周瑞龍泊江口相犄角，戰失利。

大清兵薄城下，徽人程璧盡散家貲充餉，身乞師于吳淞總兵官吳志葵。志葵至，璧遂不返。康公戰不勝，瑞龍水軍亦敗去。明遇乃請應元入城，屬以兵事。應元勵士卒守城甚固。東平伯劉良佐用牛皮帳攻城東北，城中用礮石力擊，良佐乃移營十方庵。令僧陳利害，良佐旋策馬至，應元誓以大義，屹不動。及松江破。

大清兵來益衆，猶固守。八月二十一日。

大清兵從祥符寺後城入，衆猶巷戰，男婦投池井皆滿，明遇用皆舉家自焚。應元赴水被曳出死之。時訓導馮厚敦、縊明倫堂娣及妻王結衽投井死。里居中書戚勲合家先縊自焚死。舉人夏維新、諸生王華、呂九韶自刎死。應元子晞後以株連坐罪，晞妻王死最烈。舊志失載，今從明史令傳錄入。

國朝

張文輝字仲文，號閭生，汝濟孫杞芳子。崇禎七年，與兄文燁同登進士，累遷徽寧兵備副使。左良玉兵南下，禦於蕪湖。左師却蕪湖，獲全順。治初，改建南道，移節邵武江。西寇起松關，失守，繫印于臂，沉河死。性孝友，事親色養。

脩至弟有遺孤撫之若已出所著有怡怡堂集行世

正二年祀鄉賢妻楊守節尋卒子士舉有文名

舊志傳誤今考

畿輔通志更正

海
元

卷
一

孝義

鄒邑併人

明

孫雄通州左衛人事親色養不置以純孝著親歿廬墓三

年正統間有司奏表其門

按考明史增正

武金曹璉張欽皆鄒庠生正統十四年英宗北狩也先以之去嗣遣使送還京師震恐詔募勇敢士三人素有義行憤然曰何至被敵侮若是遂應募也先使至都城門恣意悉索三人勇拒之使恐乃馳去贈三人國子生後金官處州知府璉官撫州知府欽官前軍都督府都事韓鵬通州人定邊衛千戶家承孝友六世同居有司奏表

其門

耿從通州人性尙義正統間出粟五百石輸于官以濟時
急詔旌之

呂棟鄴縣人居永樂里嘉靖間歲貢生授河南桐栢知縣
有政聲事母周先意承志曲盡孝養每飲食必親嘗而
後進子孫在庭帷者五代日率之以娛其親母壽至九
十九棟壽至八十知縣李成旌曰斑庭願養邵致誥旌
曰節壽雙高

龍蹈其先南昌人徙居通州有至性幼孤母盛苦節撫之
蹈既成立事母色養脩至與兄躍友愛終身無間言撫

兩姪如所生兩姪早卒贍其家母黨貧不給凡中表弟
妹二十人皆體母意隨時周急母年七旬病篤蹈禱于
天願減已算益母母聞之曰汝年四十尙無子可減算
乎顧汝矢此心或我增年而汝生子未可知也未幾母
病果瘳三年生子時化又三年生子起化年七十卒起
化入啟四年舉于鄉官無錫教諭時化妻彭起化妾張
後以節著詳列女傳知州俞孔震嘉蹈行以額旌之
啓時中州庠生性剛直尙氣節萬歷間州試多冒籍時中
呈于當事請查禁知州銜之以他事羅織時中戍死御
史馬經綸曰時中義士也以無辜戍戍且死故築虛墓

招魂以葬並表其墓石

苗必進通州人補京衛武生少孤事母鄭至孝人無間言
母歿廬墓三年日添塚土三次寒暑風雨弗懈值大雪
降三尺不及其廬有二犬守夜旦卽去禽鳥馴狎翔舞
廬旁皆謂孝思所感云知州楊忠裕旌曰廬墓孝子時
萬歷四十年

王可成號次槐通州人官工部文思院副使性慷慨樂施
天啟六年通大水多災黎可成捐貲助有司賑粥遇歲
荒餓死者載道施棺蓆無算請于當事擇地瘞之置屋
十餘椽于南門外以棲行丐寒施綿絮殭者得免崇禎

二年張灣城陷遺骸載道不下千餘人與工部郎董
行設法掩埋又出家財犒守城軍士他若親黨婚喪之
資所助極多里人稱曰王善人

韓維城州庠生性耿介無絲毫苟取崇禎間巡撫差役解
官項入京渡東門外河遺公郵及所賁銀維城得于渡
所候其來覓役果涕泣奔至訊實還之役得免罪

康承錫字荷九號仁所父西泉由廣寧衛徙通州世襲通
州衛指揮承錫誠謹醇厚有善行中年未舉子崇禎五
年置妾孟氏詢其有故夫在以貧而鬻立遣還之未幾
生子二長莊順治十一年舉于鄉歷兵部主事次政康

熙十一年拔貢生官隆平教諭

楊定午州庠生崇禎間父病劇定午禱于天願身代尋割股以進知州旌曰孝可維風州學正旌曰真孝子

劉澤宏通州人業儒家故貧教授生徒敦長者行崇禎甲申流寇陷京師徧拷諸縉紳家掠其財時有二生以宦裔將見及投止無敢留者澤宏匿于家得免難

張士壽字平格號山公文燁長子少爲名諸生文行兼著甲申之變文燁奉父母將避難先匿他所士壽留京邸都城陷流賊徧掠縉紳家及士壽舍士壽恐賊脅其家人洩大父母及父匿所出謂賊曰我張吏部子箚篋我